

Nivo provođenja imovinskih zakona u novembru 2003. godine je dostigao 92 procenta u oba entiteta

Organizacije koje nadgledaju Plan provođenja imovinskih zakona (PLIP) – OHR, OSCE, UNHCR i CRPC – danas objavljuju da je, zaključno sa krajem novembra, ukupan nivo provođenja imovinskih zakona dostigao 92 procenta i u Federaciji BiH i u Republici Srpskoj.

Pored toga, provođenje imovinskih zakona u Brčko Distriktu je završeno na nivou od 97 procenata, što je potom verifikovano, kao i u općinama Srpsko Orašje, Breza, Lopare, Rogatica, Rudo, Čajniče, Tomislavgrad, Glamoč, Bosansko Grahovo, Posušje, Grude, Kupres, Drvar, Srpsko Goražde, Doboj Jug, Doboj Istok i Usora.

Zaključno sa krajem novembra 2003. godine, 202.241 useljive stambene jedinice su vraćene zakonitim podnosiocima zahtjeva. Nivo donešenih odluka dostigao je 99 procenata, što znači da su skoro svi podnosioci zahtjeva do sada dobili prvostepena rješenja.

Sedamdest i dvije općine su završile rad na svim otvorenim predmetima i uspostavile rok za verifikaciju suštinskog okončanja provođenja imovinskih zakona.

S obzirom na to da je proces provođenja imovinskih zakona u završnoj fazi, organizacije koje nadgledaju Plan provođenja imovinskih zakona (PLIP) su odlučile da predstave, u budućim sažecima statističkih podataka, i pozitivna i negativna rješenja koja su općinski organi za stambena pitanja izdali u vezi sa zahtjevima za vraćanje sporne/zauzete imovine. Broj negativnih rješenja kao procenat ukupnog broja zahtjeva je

predstavljen u posebnoj koloni u sažetku statističkih podataka. Kako negativna rješenja ne rezultiraju povratom imovine, ona nisu uračunata u nivo provođenja imovinskih zakona.